



Հայաստանի Հանրապետության սնանկության դատարան

Ո Ր Ո Շ ՈՒ Մ

Քաղաքացիական գործը վարույթ ընդունելու և նախնական դատական նիստ  
հրավիրելու մասին

<<6>> մարտի 2024թ.

ք. Երևան

Հայաստանի Հանրապետության սնանկության դատարանի դատավոր Արսեն Բաբայանս, ծանոթանալով ըստ հայցի Գեղամ Հարությունի Մարգարյանի ընդդեմ Գրետա Վասակի Սահակյանի, Ալինա Համբարձումի Հարությունյանի, վեճի առարկայի նկատմամբ ինքնուրույն պահանջներ չներկայացնող երրորդ անձինք՝ Աստղիկ Սմբաթի Խաչատրյանի, Երևան նոտարական տարածքի նոտար՝ Աննա Լևոնի Ղազարյանի՝ պայմանագիրն անվավեր ճանաչելու և որպես ածանցյալ պահանջ՝ պայմանագրի անվավերության հետևանքներ կիրառելու պահանջների մասին, թիվ ԵԴ2/34941/02/23 քաղաքացիական գործի նյութերին

Պ Ա Ր Զ Ե Ց Ի

Գեղամ Հարությունի Մարգարյանը հայցադիմում է ներկայացրել ՀՀ Երևան քաղաքի առաջին ատյանի ընդհանուր իրավասության քաղաքացիական դատարան ընդդեմ Գրետա Վասակի Սահակյանի, Ալինա Համբարձումի Հարությունյանի, վեճի առարկայի նկատմամբ ինքնուրույն պահանջներ չներկայացնող երրորդ անձինք՝ Աստղիկ Սմբաթի Խաչատրյանի, Երևան նոտարական տարածքի նոտար՝ Աննա Լևոնի Ղազարյանի՝ պայմանագիրն անվավեր ճանաչելու և որպես ածանցյալ պահանջ՝ պայմանագրի անվավերության հետևանքներ կիրառելու պահանջների մասին:

ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի (դատավոր Ա. Աթանեսյան) 14.11.2023 թվականի որոշմամբ հայցադիմումն ընդունվել է վարույթ:

ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի (դատավոր Ա. Աթանեսյան) 14.11.2023 թվականի որոշմամբ հայցվոր Գեղամ Հարությունի Մարգարյանի միջնորդությունը բավարարվել է և կիրառվել է հետևյալ հայցի ապահովման միջոցը՝ <<Արգելել պատասխանող Ալինա Համբարձումի Հարությունյանին և երրորդ անձ Աստղիկ Սմբաթի Խաչատրյանին ք.Երևան, Աջափնյակ, Սիլիկյան թաղամաս 2-րդ փողոց, 44/3 հողամաս հասցեով անշարժ գույքը տնօրինելն ու այդ իրավունքի իրացման տիրույթում որևէ գործողություն, այդ թվում՝ կառուցապատման թույլտվություն ստանալուն կամ տրամադրելուն ուղղված որևէ գործողություն կատարելը՝ մինչև սույն գործով եզրափակիչ դատական ակտի կայացումը>>:

26.01.2024թ. Գրետա Սահակյանը դիմելով դատարան, հայտնել է, որ ինքը՝ Գրետա Սահակյանը 29.12.2023 թվականի թիվ ՍՆԴ/4023/04/23 սնանկության դատարանի վճռով ճանաչվել է սնանկ:

ՀՀ Երևան քաղաքի առաջին աստանի ընդհանուր իրավասության քաղաքացիական դատարանի (դատավոր Ա. Աթանեսյան) 31.01.2024 թվականի որոշմամբ թիվ ԵԴ2/34941/02/23 քաղաքացիական գործը հանձնվել է ՀՀ սնանկության դատարանի քննությանը:

Թիվ ԵԴ2/34941/02/23 քաղաքացիական գործը 05.03.2024 թվականին մակագրվել է սնանկության դատարանի դատավոր Ա. Բաբայանին և 06.03.2024 թվականին հանձնվել է դատավորի աշխատակազմին՝ թիվ ՍնԴ/4023/04/23 սնանկության գործի շրջանակներում քննելու համար:

Տվյալ դեպքում Դատարանը գտնում է, որ քաղաքացիական գործը պետք է ընդունել վարույթ և հրավիրել նախնական դատական նիստ:

Ելնելով վերոգրյալից և ղեկավարվելով <<Սնանկության մասին>> ՀՀ օրենքի 1-ին, ՀՀ քաղաքացիական դատավարության օրենսգրքի 5-րդ, 199-րդ, 200-րդ հոդվածներով

### Ո Ր Ո Շ Ե Ց Ի

Գեղամ Հարությունի Մարգարյանի ընդդեմ Գրետա Վասակի Սահակյանի, Ալինա Համբարձումի Հարությունյանի, վեճի առարկայի նկատմամբ ինքնուրույն պահանջներ չներկայացնող երրորդ անձինք՝ Աստղիկ Սմբաթի Խաչատրյանի, Երևան նոտարական տարածքի նոտար՝ Աննա Լևոնի Ղազարյանի՝ պայմանագիրն անվավեր ճանաչելու և որպես ածանցյալ պահանջ՝ պայմանագրի անվավերության հետևանքներ կիրառելու պահանջների մասին, թիվ ԵԴ2/34941/02/23 քաղաքացիական գործն ընդունել վարույթ և գործով հրավիրել նախնական դատական նիստ՝ 2024թ. մայիսի 2-ին, ժամը 14:00-ին, Հայաստանի Հանրապետության սնանկության դատարանի վարչական շենքում (ք. Երևան, Օտյան փող. 53/2 շենք, դատական նիստերի դահլիճ թիվ 5):

ԴԱՏԱՎՈՐ՝

Ա. ԲԱԲԱՅԱՆ

